

# Mud Volapüka

Nüm 101id

23 mázul 2018

## Spodot Volapükik


Pened fa ‚Ludovico von Lasperg‘: presidan Volapükakluba di Joinville (Brasilän)< lü ‚Aug. Ritter‘. Pipenon tü mayul 4id e pisedon tü mayul 5id yela 1891id.

### Föfaflan



„Söle Aug. Ritter  
Calal potäma [potöpa]  
Zürich, Aussersihl, Suissa [Jveizän]“

# Pödaflan



Aprendamos a lingua universal: o „Volapük!“ [Lärnobsöd valemäpüki: el ‚Volapük‘!]

„Brasilän, Joinville 1891 mayul 4id.

Söl divik[digik]!

Egetob pötatimo potakadi löfik ola e nümi vpableda jzeizik[|jveizänik], keli elilädob[ereidob] ko nited mödik. Liedo no labob livüpi sätik[saidik] al[ad] dafulön[ledunön] vipi ola tefü spodam nomomafik[nomöfik] bevü obs. Tim oba pai-flagon [ai pa=flagon] vemo fa vöbavobs[feba=vobs] e fa spod nomomafik keli ya plägeb ko volapükans in läns difik. Ba flen sembal[alseimik] oba odafulon [oledunon] vipi ola. Oplokudob[okudob], if mögos, tefü dinäd[din] at.

Volapük emostepon[eprogedon] nog nemödo[nevemo] in Brasilän, tosü[to] töbams [töbidams] oba e volapükelas[volapükals: volapükans gretik] votik sikikum[klatikum]. Kapälüb[suem] plo[pro] völad e veüt vöpüka[valemäpüka] sembal[alseimik] defon brasilanes[defon pö Brasilänans]. Sovob töbo balsetelati [degtelati] züpelas[züpanas] volapüka in län at. Sufädobsöd[sufälobsöd]!

Glidis flenügik[flenöfik]!

von Lasperg L.

plofed[profäsoran] vpa.“

# Bukemaboed

## Konotils brefik

Konotil ‚Bog‘ fa ‚Даниил Хармс‘

(‚Daniil Harms‘)

Men labü särvig rovik enüdranon ini boadaḅog, pas täno efärmükon kläpedi ed eprimon ad teafön.

„Ekö,“ – men labü särvig rovik äsagon, teafölo – „teafob pö bog, bi labob särvigi rovik. Bogaḅkläped peḅfärmükon e no leadon rivön luti obi. Olaiḅteafob, ab toä no usäfärmükob kläpedi. Odeadikob pianiko. Oküpedob komip bevü lif e dead. Komip obinon nenatiku, ön mögods leigik, bi dead vikodon natöfo, e lif, peḅkondanöl ad pärid, te vaniko komipon ta neflen jüi timil lätik, dakipölo luspät vanik. Ab pö komip at, kel ojenon anu, lif osevon modi ad vikod okik: demü atos lif muton dunükön bradis obik ad säfärmükön bogakläpedi. Oküpedob: kin uvikodon? Te kamfor [ta tarm] tuvemo smelon is. If lif uvikodon, täno obestürülob yegis pö bog me tabak... Ekö, ejenikos: denu no kanob natemön. Klülo edeadob! No plu usavob oki! E nos sublimik komon pö tiks obik. Teafob!...

Ag! Kis atos? Anu bos ejenon, ab no kanob suemön: kis fümöfik ejenon. Älogob bosu ud älilob bosu...

Ag! Dönu bos ejenon? Godö! No kanob natemön. Bo, deadikob...

Ab zuo kis atos? Kikodo kanitob? Särvig obik dadolon... Ab ga kiplado boadabog stadon? Kikodo logob valikosi, kel stadon pö cem obik? Ga seatob su glun! Ab kiplado bog stadon?“

Men labü särvig rovik elöädon se glun ed ezilogedon. Bog no äkomon seimöpo. Yegs peḅsüramenöl se bog äseatons su stuls e bed, ab bog änekomon.

Men labü särvig rovik esagon:

„Kludo, lif evikodon deadi me mod nesevädik kol ob.“

## Parab ‚Lieg‘

Seimna men liegik semik ebegivon pöfikane bäseti fulü moükabots. Pöfikane esmililon etane ed edegolon ko bäset. Utan esejedon moükabotis se on, eklänikon oni, e pas täno efulükon oni me flors jonik. Utan egekömon lü liegikan ed egegivon etane bäseti.

Liegikan estunikon ed esäkon: „Kikodo egeblinol obe bäseti at peḅfulüköl me flors jönik, if igivob ole moükabotis?“ Ab pöfikane esagon: „Alikane givon votikane utosi, kelosi labon pö ladäl okik.“

## Konotil ‚Linumastofs miotik‘ fa lautan nesevädik

Matanapär semik efealotädon ini löd nulik. Gödo, töbo egalikölo, jimatan elogedof da fenät ed eküpof ji=niädani, kel älägof linumastofis pe=lavöl ad sägikön.

„Logolös, linumastofs kio=miotik ji=etan labof.“ – esagof himatane okik. Ab hi=utan äreidom gasedi e no edemom atosi.

„Bo, jietan labof sobi ne=gudik u leno kanof lavön. Nedosöv ad lejonön ofe.“

E pas tänoalna dönu, kü jinilädan älägof linumastofis, jimatan ästunof dö utos: kiomiotiku ut binon.

Ün göd semik, elogedölo da fenät, utan eyälof: „Ag! Adelo linumastofs binons kliniku! Bo, etan edelärnof ad lavön!“

„Nö,“ – himatan egesagom — „te adelo elöädob büikumo ed elavob vitüragläti.“

## Konotil ‚Spodakads de sül‘ fa ‚Franco Arminio‘

Is nifüpa=fin e gölayela=prim binons ti liegiku. Maletu onas binons rosads balid. Älogob rosadi bal kü ävaiboys obi me tood lekäla dranik. Efärmükob logis, tikölo dö rosad at. Föfo stiran e jikälän äbepikons staudöpi, pö kel kanoy pa=satükön e suäms binons smaliku.

\* \* \*

Semna elonädob ad vedön menu dinitik. Isenälob, das dead ezögädon obi. Täno idajäfikob lölöfiko ini lif, äsvo cil nütiröl nami ini stog labü kritida=givots. Poso turn obik ikömon. „Galikolös“, jimatan esagof obe. „Galikolös“, ai dönu äsagof.

\* \* \*

Del litik äbinon. No ävilob deadön tü del somik. Ai äniludob, das üdeadob neito ön vaul dogas. Ab ideadikob tü zedel, kü broadot kvisinik ejenikon pö televidöm.

\* \* \*

Sagoys, das suviküno mens deadikons delaprimo. Ünü yels mödik ägalikob zao tü düp folid gödo, älöädob ed ästebedob jüs düp deadik üpasetikon. Ämaipadob buki ud äkurbob televidömi. Lunomiko äplödikob sui süt. Ideadikob tü düp velid soaro. Nos bisarik ijenon. Vol ai äkodon muifi nefümik pö ek. Ed ekö, muif at süpiko epasetikon.

\* \* \*

Ästadob ön lifayel 99id. Cils obik ävisitons bäldani=käläd=öpi te ad bsepikön kobü ob motedazäli 100id [fütürük] obik. Atos leno äfäkükön obi. No älelilob etanis, äsenälob te däädädi [feni] lönik. Ed ävilob deadikön dat no ösenälob oni. Atos ijenon lo daut bäldikün obik. Ägivof diledili poda obe ed äspikof dö toed labü numat: tum. Äsagof, das numat: bal< muton binön luniku äsvo staf, e numats: ser< äsvo luibs saikulik.

\* \* \*

Jimatan ai nog plonof sananis no efi=saunüköl obi. Do ai äcedob obi ne=saun=ov=iku. Igo kü Litaliyän igaenon futaglöpä=mäti bevünetik, igo kü ematikob.

\* \* \*

Ästadölo ön lifayel 50id, älabob logodi [logoti] äs men, kel kanon deadikön pos brefüp. Ideadikob ön lifayel 96id pos deadölanakomip [gaon] lunik.

\* \* \*

Ai äfredob pato demü kritida=skafül [marionäta=teat bogik ko marionäts bibik dinädü kritid]. Pö yel alik ut äbinon ai deköfikumu. Äseidetob oni foi yan doma obsik. Yan ai ämaifon. Äteilükob cemi balik me tanod reda=vietik äsvo timü vegi=nätükam. Ädaifidob biri utanes, kels ästopikons ad stunidön kritidaskafüli. Äkonob veitöfiko kartoni, mösködi, jipis, lofüdasapanis, flumedis, kasedis, galedanis e yuna=galedanis, kevis, cili: Kristus<, dugasteli, lektina=dugodi. Pato äpleidob tefü lektinadugod. Ideadikob soaliko tü neit kritidik, älogedölo kritidaskafüli nidöl me lit vala=kölik.

## Konotil ‚Dan‘ fa ‚Andrew Hunt‘

Teged lainik, keli änu egivoy ome pö benodäla=stitod, koveniko älelöfülon omi len jots, e juks, kelis ituvom adelo pö moükota=bog, leno äbinons nabiku. Litem sütik so=plitiko ävamükon ladäli pos dag at koldik... Blegod bama tö spatagad älüjinon so=sevädiku [koveniku] lü bäk bäldik fenik omik.

„Dani ole, o Söl,“ — etikom — „lif binon go lejuitiku!“

## Parab ‚Slip‘

Reigan lofüdänik semik edrimon, äsif utan eperon tutis valik okik bal pos votik. Dredikölo, ebüedon kömön drimi=plänädani kurik. Etan efi=dalilon utani ed esagon:

„O reigan! Slip siämon utosi, das suno uperor lesevädik=anis valik orik.“

Reigan eleskanon ed ebüedon pladön mifätani ini fanäböp. Pas täno elatoenon drimiplänädani votik. Etan, efidalilölo slipi, brefüpo etikon ed esagon:

„O reigan obik! Slip siämon utosi, das ulovelifädor lunikumo ka lesevädikans valik orik.“

Reigan vemo efredikon e bundano ebegivon drimiplänädani demü büosagod benofätik at. Kuran vemo estunikons. Äsäkons:

„Ga esagol reigane oti leigoäs büan olik mifätik, ab kikodo etan pi=pönon mekädiko ed pe=mesedol?“

Demü atos utan egesagon:

„Obs bofik iplänedobs slipi leigo. Ab valikos sekidon noe de utos: kisi sagön< abi de utos: vio sagön.“